



UNIVERSITÄTS-
BIBLIOTHEK
PADERBORN

Universitätsbibliothek Paderborn

D. Ioannis Ivsti Lanspergii Carthvsiani, Natione Bavari, Opvscvla Spiritvalia

ab ipso Autore partim Latinè, partim Germanicè euulgata

Landsberg, Johannes Justus

Coloniae Agrippinae, 1630

Vulnera Iesu Christi, quo pacto honoranda sint: quas item virtutes ex
eisdem exugere liceat. Epist. LIV.

[urn:nbn:de:hbz:466:1-45857](https://nbn-resolving.org/urn:nbn:de:hbz:466:1-45857)

116

dotata sis peculiariter à creatore, quo laudem eius prædices, quæ aded nobilis
haberi & dilecta, ut propter te cætera sint condita creaturæ. Si rectè & iuste
velis respondere, ita dicendum illis esset: O sorores creaturæ, vnum commu-
nem habemus creatorem Patrem, ac Dominum nostrum. Hic mihi quoque
præ vobis peculiare non nihil tribuit, quo ipsum commendem, quo prædi-
cem, quo extollam. Conspiciatis cor meum quomodo ignescat, quomodo
flammescat amore erga Dominum creatorem nostrum sponsum meum. O
filia quam felices essemus, si non fictè, sed in veritate ita possemus respon-
dere. Tunc enim omnia nobis occasionem diuinæ laudis præstarent, omnia
in Dei amorem nos inuitarent, ex omnibus surgere possemus & conuertere
nos ad originem. Interim mortificemus vitia nostra, religemus passiones,
abstrahamus amorem à creaturis, proprium amorem & quaestionem pro-
priam eradicemus, & puritati cordis, quæ fundamentum est contemplatio-
nis, totis viribus studeamus. Vale in Christo charissima.

Fundamen-
tum con-
templatio-
nis quod.

Vulnera Iesu Christi, quo pacto honoranda sint: quas item virtutes ex eisdem exurgere
liceat.

Epistola LIV.

D. IOANNES IVSTVS LANSPERGIVS, CART.
sorori & filiz charissimæ N. Christi sponsæ.

Petisti frequenter à me filia in Christo charissima, ut exercitium
ad quinque Iesu Christi gloriosa vulnera tibi communicare mo-
dumque teipsam in eis exercendi præscribere, quatenus per occupa-
tiones licuerit, non abnuerem. Quod ipsum lubens faciam. Prin-
cipio igitur offer Deo Patri Iesum Christum filium eius vnigeni-
tum in cruce pendentem, & omnem eius passionem atque dolorem pro pecca-
tis tuis & pro peccatis vniverfi mundi, quemadmodum seipsum obtulit
olim in ara crucis. In huius oblationis vnione offer temetipsam quoque in
laudem, in gloriam & in beneplacitum eius sempiternum. Deinde ad vul-
nere quinque Christi accedens, primò lecta oratione dominica in vulnus
dexteræ Christi, offer pro te Deo Patri illud vulnus, dolorem sanguinem
atque obedientiam vnigenti eius contra omnem rebellionem, inobedi-
entiam, ac propriam voluntatem tuam, orans ut ex hoc vulnere tibi perfe-
ctissimam obedientiam infundat, qua ad nutum sui beneplaciti ita præpta
atque obediens sequaris, sicut ad motum corporis sequitur umbra. Ora
quoque ut omni creaturæ teipsam feruenti corde subijcias pro eius amore
ac beneplacito. Item tantam abnegationem tui ipsius tibi tribuat, ut sine vilo
respectu, sine nulla inclinatione propria ad teipsam, quasi tu non esses, pure
ac nuda eius solùm beneplacitum eiusque honorem & laudem quæras, eligas
& intendas. Et ut eius prouidentie ac beneplacito sine vlla retractione cor-
dis fideliter totam teipsam semper offeras, resignes atque relinquas, ni-
hil habens de vlla proprietate, sed solùm eius amans, quærens, faciens, susci-
piens, atque sustinens beneplacitum. Deinde lecta iterum oratione domini-
ca in vulnus sinistræ manus Christi, offer pro te Deo patri illud vulnus, do-
lorem,

Ad vulnus
dexteræ
manus.

Ad vulnus
sinistræ ma-
nus.

Gg 2 lozem,

Ad vulnus
dextri pe-
dis.

lorem, sanguinem atque humilitatem vnigeniti eius contra oem superbiam ac vanam gloriam tuam, & contra omnia vitia inde nata. Ora vt per gratiam eius illa in te extinguantur ac moriantur. Ora etiam vt profundissimam tibi ex hoc vulnere infundat humilitatem, sibiq; acceptissimam, qua vilitatem nihilitate tuam omnem cognoscas, ex animo te despicias, ac nesciri, vilipendi, sperniq; ab omnibus & cupias, & gaudeas. Tertio lecta iterum oratione in vulnus dextri pedis Iesu, offer pro te Deo Patri eius illud vulnus, dolorē, sanguinem ac patientiam vnigeniti eius contra omnem iracundiam atque impatientiam tuam: orans, vt ex hoc vulnere tibi infundat, perfectissimam patientiam atq; mititatem qua aduersa cuncta desideranter atque gaudente de manu eius suscipias, nullam euasionem aut consolationem quæras: sed ad finem vsq; quæ tibi patienda mittit: cum omni gratiarum actione perferas faciaturq; vt purissima, sola ac nuda illi charitate inhæreas, ac plena perfectissimæ fide ac fiducia inter quoscunq; euentus te in illum projicias. In hoc vulnere proes Deo Patri gratias agere pro quibuslibet aduersitatibus, quas super te tibi vnquam venire permisit, deinde pro amore illo paterno, quo tibi patrida in salutem tuam ordinauit. Item orare debes pro omnibus qui tibi aduersa intulerunt, aut te contemnere, nocere vt tibi voluerunt, vt Deus non solum ignoscat, nec solum non imputet illis, verum etiam æternam illis (quia fuerunt in hoc eius ministri) mercedem sanctæ beatitudinis retribuat. Post hæc veniam petere debes, quod ea quæ tibi perferenda misit, tam impatienter, tepido, inuito atq; ingrato corde suscepisti, aut euadere tetastisti. Postremo, ad quæcunq; toleranda te ipsam in eius beneplacitum debes offerre, ipsumq; regere, vt quicquid ad suam gloriam, ad suam iustitiam satisfactionem te pati voluerit, te faciat æquanimiter atq; desideranter sustinere. Pro tuis quidem peccatis offeras ei filij sui passionem (pro quibus tu reuera satisfacere haud potes) at pro ipsius amore, pro eius beneplacito, pro eius gloria & vt satisfacat iustitiæ ac voluntati eius, offer te ipsam in manus eius, orans vt tecum agat, ut faciat cuiusmodi maximè te esse & sibi placere vellet.

Ad vulnus
pedis sinis-
tri.

Ad vulnus
cordis Iesu.

Quarto, lecta oratione in vulnus sinistri pedis Iesu, offer Deo eius Patri pro te hoc vulnus, dolorē, sanguinem ac misericordiam vnigeniti eius, contra oem duritiam, inclementiam ac inuidiam tuam orans vt ex hoc vulnere tibi infundat misericordiam, compassionem, benignitatem, mansuetudinem ac charitatem ad omnes, potissimè autem ad eos qui te offenderunt vt materno affectu omnium necessitatibus cõpatiaris, omnib. succurras, ac benefacias, omnes portes, consoleras, ac perfectè diligas. Quinto, lecta oratione dominica, in vulnus cordis suauissimi Iesu, offer Deo eius Patri pro te hoc vulnus sanguinem & charitatem eius immensam, qua patrem ipse dilexit, contra oem acediam, tepiditatem, negligentiam, & contra oem inordinatum tuum amorē: orans vt ex hoc vulnere tibi infundat charitatē ardentissimam, purissimam, intentissimam, perfectissimam, atq; perpetuam, qua ipsum ex toto corde diligas, laudes & benedicas in omnib. & sup omnia: qua ipsum solū cogites, solū desideres, solū quæras, solū intendas, qua ipsi soli inhæreas, soli placere cupias, oemq; vires animæ & corporis, omne deniq; tempus vitæ tuæ in laudem ac beneplacitum eius, in amorem quoq; ac gloriam eius expendas atq; cõfirmas. Vale, & sponsum tuum celestem pro me exora.

Deum.

Deum in nobis esse, nosq; in Deo per quam indicia probetur: charitas Dei vti in nobis probetur per fraternum amorem: mala item quanta invidentia ac odium in nos congerant.

Epistola LV.

F. IOANNES IVSTVS LANSPERGIUS, CARTHVS. charissimæ filiz N. Dei proximique charitatem in corde iugiter ardere.

Charissima filia, valde sollicitè curandum tibi, nobisque omnibus est, ne aliquid, siue Dei, siue proximi charitati aduersum intra nos recipiamus. Pellendus est omnis rancor, omnis amaritudo, & erga omnes sincera charitas retinenda, vt & nos Deum in nobis semper retineamus. Deus est in nobis, si charitas eius est in nobis. Nam

1. Ioan. 4.
Charitas duplex quæ fit
Ioan. 14.
Matt. 7.

vt Ioannes dicit: *Deus charitas est, & qui manet in charitate, in Deo manet, & Deus in eo.* Charitas autem gemina est, scilicet, Dei & proximi. Charitas Dei in nobis est, si præcepta eius obseruamus. Vnde Dominus ait in Euangelio: *Qui habet mandata mea, & seruat ea, ille est qui diligit me.* Porro charitas proximi in nobis est, si illi facimus quæ volumus fieri nobis, & non facimus ei quæ nolimus nobis fieri. Verbi gratia. Nolumus de nobis detrahi, nolumus despici, impediri aut iniuriam nobis irrogari &c. Ergo & nos non debemus detrahere, spernere, impedire, iniuriam facere. Volumus iuuari seruique nobis & excusari: velle quoque debemus argui peccata nostra: quæ quidem omnia alijs ex charitate impendere tenemur. Quisquis hanc charitatem non habet, illi illo non est Deus. Et quid prodest ei, si ieiunat, aut elemosynam dat, vel alia opera bona facit, si non habet Deum? Nam non habendo charitatem, non habet Deum. Quicumque autem odit fratrem suum, id est, christianum ex matre Ecclesia fratrem, quicumque persequitur, inuidet, nocet, non habet charitatem: & ideo si hæc tanta & tanta fecerit, nihil ei prodest, sed cum odio damnatur, quia non habet charitatem. Quid dicit Apostolus? *Si linguis hominum loquar & angelorum, & si habuerò prophetiam, & nouerim mysteria omnia & omnem scientiam, & si habuerò omnem fidem, ita vt montes transferam, & si distribuero in cibos p. superum omnes facultates meas, & si tradiderò corpus meum ita vt ardeam, charitatem autem non habeam, nihil mihi prodest.*

Deum non fore in nobis quænam ostendant.
1. Cor. 13.

Nihil prodesse curquæ extra charitatem quicquid habeat ac faciat.
Ioan. 13.

Ecce quisquis in odio viuit, quisquis charitatem non habet, non prodest ei quicquid aliud habet: quia charitatem solam Deus requirit, & solum quicquid in charitate sit, placet ei. Hæc est signum, quo discernuntur filij Dei à filijs diaboli. Quid dixit Dominus in cœna vltima? *In hoc cognoscent omnes quia mei discipuli estis, si dilectionem habueritis ad inuicem?* Ipse charitatem habet ad nos, & omnibus modis vult nobis benefacere, nos exaltare & æterno beatificare. Et si iam affligit nos, hoc tamen facit ex charitate: sicut bonus pater filium, vel magister discipulum, quem vult bonum habere: sic ipse Deus corripit nos vt efficiamur boni. Sic etiam vult, vt nos inuicem diligamus, beneficiamus, promoueamus, cæteraque charitatis officia exhibeamus. E contrario diabolus nos semper odit & odit, inuidet æternam beatitudinem, docet & ducit ad malum vbi que. Et si benefaciat temporaliter in delectationibus

Odium demones in nos quantum habeant.